

BONERIANO

“
Kandela ta tèst
oro, miseria
ta tèst hende
hòmbernan
fuerte!

BONERIANO

EDITOR:
Bonaire Communication Services N.V.

Djaweps 14 Mart 2024

Preis: \$1.25

STINAPA PREOKUPÁ

Ban apoyá nos atletanan hóben



Weganan Interinsular ta tuma lugá di 14 di mart pa 17 di mart riba nos isla. Durante e siman akí nos atletanan lokal ta kompetí den futbòl, basketbòl i aquathlon kontra deportistanan hóben di skol básiko i enseñansa avansá di Aruba i Kòrsou. Un yamada ta bai na komunidad pa masalmente apoyá e generashon di mañan.



Alumar no debe belasting:

“Nos a kumpli i ta sigui padilanti”

KRALENDIJK - “Alumar a paga e debe na Belastingdienst. Nos ta kla ku esaki i manera semper luchando pa hiba nos negoshi dilanti”, tabata palabranan di Madeleyne Alvarado

Atoche na BONERIANO. E ta ko-proprietario di Alumar B.V. i e ta referí na un situashon bastante fèrfelu ku e kompania a eksperensia. Resien Korte den Promé Instansia a kondená propietarionan di

e kompania pa evashon di impuesto.

Madeleyne ta enfatisá ku ta trata di erornan atministrativo ku a sosedé basta aña pasá, pa ta eksakto aña 2016 te ku 2018. “Apesar ku

e situashon i eksperensia tabata desagradabel nos ta wak bèk ku gratitut. Nos a siña masha hopi mes den e temporada aki. Nos a bira ainda mas uní komo famia i Alumar ta mas fuerte i salú komo kompania”, e ta sigurá. Belastingdienst

a kalkulá ku e kompania mester paga 201 mil dòler, lokual Alumar a kumpli kuné. “Nos a paga tur kos i ta kontentu ku esaki ta tras di lomba.” Pa Madeleyne parti di e forsa di Alumar, ta e echo ku semper nan ta duna bèk na komunidad.

Muhé Hulandes asesiná na Belize

KRALENDIJK/BELIZE -- Un muhé Hulandes di 43 aña a muri den un tiroteo den un merkado den e kapital di Belize, segun Ministerio di Relashonnan Eksterior. E muhé no tabata biba na Hulanda.

Dos otro Hulandes a keda heridá pa e violencia na Belmopan. E ministerio no por bisa nada di nan edat i nan relashon ku e muhé pa motibu di privasidat.

E medionan di Belize ta informá ku e tiroteo tambe a kosta bida di un mucha, ku aparentemente no ta Hulandes. Polis a arestá un sospechoso, ku supuestamente ta e kulpabel.

E identidat di e víktimanan di e tiroteo no ta konosí. Na prinsipio, Polis di e pais Sentro Amerikano a asumí ku ámbos víktima ta Hulandes, pero un informe polisial posterior a informá ku un muhé Italiano i un

mucha muhé Mèksikano a bira víktima.

E motibu di e violencia no ta konosí. Segun reportahe di medionan, e víktimanan tabata kome eiskrim na e merkado di Belmopan, ora un hòmer a kuminsá tira riba nan na promé lugá. Promé el a tira kontra e muhé i despues kontra vários mucha.

Ministerio di Relashonnan Eksterno ta sostené famia dor di duna asistensia konsular.



Outo na kandela

KRALENDIJK -- Djárason alrededor di kuartu pasá di diesun di mainta Sentral di Polis a keda notifiká di un outo ku tabata na kandela na Kaya Industria Pariba.

Mesora a dirigí patruya i tambe Brantwer pa e sitio.

Na yegada na e sitio, a bin topa ku un vehíkulo ku tabata sakando hopi huma for di dje. Mesora

bomberonan a paga e kandela ku algun persona mes a kuminsá paga.

Kiko ta e kousa ku e vehíkulo a pega na kandela no ta konosí, pero por bisa ku e outo tabata stashoná dilanti un lugá i direpente a tuma nota ku tabata tin kantidat di huma saliendo for di vehíkulo

(Fuente / Foto: LIVE99.9FM)



Pronóstiko di tempu pa Boneiru

Djárason 13 te Djaweps 14 Mart 2024
Parsialmente nublá i seku

Ta parsialmente nublá i seku. E temperatura máximo lo ta aproksimadamente 32°C, e temperatura mínimo mas o ménos 27°C. Bientu for di direkshon ost ta moderá te basta fuerte, forsa 4-5.

Altura di ola: 2.0-2.5 m (6-8 pia)

*** Altura di ola válido pa laman grandi**

Tokante intento di Gobièrnu

STINAPA PREOKUPÁ

KRALENDIJK – Den seno di STINAPA ta reina basta preokupashon pa motibu ku Kolegio Ehekutivo ke para e fluho di entrada di e organisashon di naturalesa. Esaki wèpsait di notisia hulandes Dossierkoninkrijksrelaties a publiká.

Durante un asina yamá Plataforma di Parke Marino, e presentenan a disidí pa kuminsá ku un akshon di firma kontra di e kambio di rumbo ku

ta keda konsiderá komo un menasa pa maneho di naturalesa efektivu.

Fin di desèmber STINAPA a haña tende ku Kolegio Ehekutivo a hala aden a primintimentu hasí anteriormente ku e pago di huéspet di estadia/krusero i esun di operadó, mester bai direktamente pa e organisashon. Meskos ta konta pa palabrashonnan hasí anteriormente di kontribushonnan for di e plan di maneho di naturalesa. Esaki ta

hasi STINAPA ainda mas dependiente di Gobièrnu. Tambe e plan di e gobièrnu pa integrá e pago di naturalesa ku e impuesto di turista, por suak e posishon finansiero mas aleu.

STINAPA tin mester di e entradanan fuertemente pa manehá i protehá Parke Marino i Parke Nashonal Washington-Slagbaai. Ya ta asina ku e organisashon ta pèrtá na kaha dor di entre otro kosto èkstra di

kombatimentu di e malesa di koral SCTLD, un di e promé aktividatnan ku ta menasá ta keda pará, ku te awor a resultá eksitoso i e proyekto di eliminá kabritu for di den naturalesa.



Segun James Kroon:

“No ta mi prioridat pa drenta Konseho Insular”

KRALENDIJK – “Aworakí nos ta bai dediká tempu pa fortifiká nos partido. No ta mi prioridat pa drenta den Konseho Insular”, ta palabranan di lider polítiko James Kroon. E ta reashoná riba e artíkulo ku BONERIANO a publiká ku e título ‘James Kroon pronto den Konseho Insular’.

Kroon ta splika na momentu e situashon presentá ku mester kambia

di konsehal, e partido ta bai den su seno i atendé ku esaki. “Pero ainda nos no ta einan. Tin retonan grandi na kaminda i awor mi prioridat ta pa sigui prepará nos mes komo agrupashon polítiko pa enfrentá tur reto na kaminda”, Kroon ta amplia.

Segun e polítiko, UPB su prioridat ta pa bira mas fuerte pa asina por sigui sirbi e pueblo boneriano.



’t Zandmannetje

is op zoek naar

Chauffeur voor een pompwagen

Eisen:

- 40 urige werkweek, ook bereid zijn in de weekenden te werken
- Zelfstandig kunnen werken
- Minimaal 1 jaar werkervaring

Voor meer informatie graag bellen met **701 0799**

1100 Kilo kokaina entre anasa for di Costa Rica

KRALENDIJK / ROTTERDAM -- Den un depósito di fruta serka di Rotterdam, Polis i Duana a haña djamars mas o ménos 1100 kilo di kokaina, skondí entre un kantidat di anasa for di Costa Rica. E balor riba e kaya di droga ta mas ku 83 mion euro, segun Ministerio Públiko.

Empleadonan di e

kompania i fruta a deskubrí e droga, ku tabata skondí den e kargamentu di anasa. Nan a mira e blòkinan di kokaina i a yama Polis. Polis i Duana a transportá e droga na un lugá sigur i despues di konteo a resultá di ta 1109 pakete ku kokaina.

Tambe a haña un transmisor GPS huntu ku e

droga, ku presumiblemente tabata usa pa e remitente i e destinadó di droga pa detektá e lokalidat di e kokaina. A destruí e droga, Ministerio Públiko a bisa.

Probablemente e kompania di fruta no tin nada di aber ku e droga ku a haña. E kompania a aktua di akuerdo ku e protokòl, e ta kirbi.



POLÍTICA

Segun Clark Abraham:

“Gobièrnu ke stimulá e ámtenar p’e krese”

K R A L E N D I J K - Gobièrnu di Boneiru ke bai enfoká riba mobilitat den e aparato gubernamental. Segun diputado Clark Abraham ta krea posibilidatnan pa un ámtenar krese den su karera, sea horizontal òf vertikal. “Ta nifiká un hende por drenta komo ‘bode’ i nos ta invertí den dje pa bira Sekretario Insular sí e tin e kapasidat”, Abraham ta bisa.

E ta splika ku e ámtenar ta haña entre otro chèns pa ehersé otro funshon den e aparato. “Bo no ta haña

ku 20 aña largu un hende ta hasi mesun trabou. Si e hende tin otro ambishon i ke bai hasi otro kos nos ta hasié muchu mas fásil pa e por krese den su ambishon.”

E splikashon di e diputado aki por mira bèk den e kontrato kolektivo (CAO) ku resientemente Entidat Públiko Boneiru i sindikato ABVO a firma. EPB i ABVO a palabrá ku ta bin ku un maneho di mobilitat i edukashon. Awor ta bai kuminsá ku un grupo di trabou pa presentá un konseho ku e meta pa kristalisá e maneho.



Apertura den formashon

Putters ta spera e siguiente paso

K R A L E N D I J K / D E N H A A G -- Nan a drai rònt di otro pa lunanan i NSC a interumpí inesperadamente e promé rònt di formashon na komienso di febrüari, pero despues di 103 dia di formashon, djárasen ta papia di tuma un siguiente paso den formashon di Gabinete.

Siman pasá a sali kla ku

PVV, VVD, NSC i BBB, ke traha den un Gabinete nobo.

Fuentenan a papia di un posibilidat mas grandi di un Gabinete ekstraparlamentario. NSC tambe lo ta dispuesto pa proveé ministernan pa un Gabinete ekstraparlamentario di e tipo akí, manera e otro tresnan, fuentenan a bisa

NOS.

Djárasen informadó Putters a informá ku dos dia di kombersashon intenso ku PVV, VVD, NSC i BBB, na Zwaluwenberg, Hilversum, a duna resultado. Na komienso di e anochi, e informadó a yega e sitio pa dirigí su mes brevemente na prensa.

Putters a papia di un próksimo paso ku awor por tuma lugá. Kiko e paso aki ta impliká, e no kier a splika ainda. Djaweps atardi e ke presentá su rapòrt i ta spera ku e ta bisa mas tokante e resultadonan ku e partidonan a logra entre nan.

Saliendo for di Zwaluwenberg, lider di NSC, Omtzigt i lider di BBB, van der Plas, a bisa algu brevemente dor di bentana di nan outo. Van der Plas a bisa ku e tabata hopi positivo i a papia di bon kombersashon. Omtzigt a enfatisá ku

tabatin un trabou hopi duru. Yesilgöz i Wilders, a bai sin bisa nada.

Fuentenan den e partidonan ta bisa ku e negosidónan no kier stipulá muchu den un akuerdo di koalishon, pa kua lo tin un ròl mas grandi pa Tweede Kamer. Mester yega na akuerdo konkreto tokante finansa públiko, migrashon i e ròl internashonal di Hulanda. Ministernan por keda suplimentá pa partidonan polítiko, pero tambe por bin for di pafó, fuentenan ta bisa. Tampoko ta kla kua partido lo entrega e promé minister.



RoHeCo B.V.

ta buska

-wegenbouw-arbeider

Pa mas inf. # di telefón

796-3008

Siudadano ta eksigí pago di gastu médiko

ZJCN ta pèrdè kaso

KRALENDIJK- Un siudadano di Boneiru a gana un kaso ku el a entamá kontra Zorg en Jeugd Caribisch Nederland (ZJCN). Ta trata di un situashon ku ZJCN ta ninga na kubri gastunan médiko ku e siudadano a hasi na Kòrsou. El a entregá un opheshon i ZJCN a rechasá esaki bisando ku e ta infundá. Konsekuentemente e siudadano a kuminsá un kaso den Korte kontra ZJCN. Korte den Promé Instansia a bai na fabor di e siudadano i a obligá ZJCN pa atendé e opheshon. Básikamente ZJCN mester paga e gastunan.

E situashon

E demandante tabata na estado i kalkulá pa duna lusa 5 di sèptèmber 2022. E tabata ke haña yu den Fundashon Duna Lus (Kraamkliniek) pues den yüli 2022 el a bai Kòrsou riba su propio gastu.

E parto a kuminsá 6 di sèptèmber 2022 i aki a surgi sierto komplikashon. Ku ambulans a transport'é pa hospital CMC i 7 di sèptèmber 2022 e yu a nase. A disidí ku 8 di sèptèmber 2022 e por bai kas, e siguiente dianan su preshon tabata bon. Sinembargo 13 di sèptèmber 2022 su preshon tabata hopi haltu. Riba konseho di un dòkter

di kas i ginekólogo el a bai urgente CMC pa eksamin'é.

Finalmente e siudadano aki a deklará tur e gastunan serka ZJCN ku a ninga di restituí esaki.

ZJCN ta haña ku e no mester paga pa motibu ku e siudadano mes a skohe pa haña yu na Kòrsou. Pues ku e por premirá ku un parto por tin komplikashon i e mes a tuma e rísiko aki. Hues a bari esaki for di mesa. Den e areglo pa kompensashon den eksterior ta splika ku mester trata di kuido médiko agudo. Lokual ku aki a tuma lugá.

Tambe ZJCN a bisa ku e siudadano no a tuma kontakto mesora kuné. E siudadano a tuma kontakto un siman despues di e tratamentu médiko di emergensia aki ku ZJCN. Hues ta bisa ku den e areglo di kompensashon di gastunan no tin pará spesífikamente un término. Hues a destruí e desishon di ZJCN.

Sumpiña den wowo

E situashon aki ta un sumpiña den wowo di hopi siudadano. BONERIANO ya publiká un ártiko den kua nos

ta pone atenshon riba e echo ku bonerianonan ku bira malu repentinamente durante nan estadia den eksterior ta sinti ZJCN ta laga nan na kaya. Por mira e desishon di Korte aki komo indikashon pa no

aseptá rechaso di ZJCN sin mas.

Na momentu un siudadano no ta di akuerdo i ta sinti ku ZJCN ta perhudik'é, e mester sigui ku prosedura pa haña su derechi.



Último dia pa inskribí na skol básiko

KRALENDIJK – Ta rekordá mayornan ku e fecha límite di 31 di mart ta yegando pa inskribí nan yu den enseñansa primario. Esaki ta konta pa muchanan ku a nase entre 1 di mei 2020 i 30 di aprel 2021, ku lo bai skol pa promé biá.

E proseso di registrashon mester tuma lugá online, via e website spesial

diseñá www.aanmelden.basisonderwijsbonaire.com

E website akí ta atmití vários idioma, Hulandes, Papiamentu, Spañó i Ingles, pa akomodá tur mayor riba e isla. E apelashon ta dirigí na mayornan di mucha ku ta kumpli 4 aña den e periodo spesifiká. Nan tin te na e término menshoná pa matrikulá nan yunan

den edukashon primario. E petishon online ta un paso obligatorio pa garantisá ku tur mucha tin aksesu na edukashon.

Inskripshon tempran ta garantisá un lugá na un skol di preferensia i ta yuda un transishon sin problema pa edukashon primario, tantu pa e mucha komo pa e mayornan.

Konsierto Ilja Huang

KRALENDIJK -- Djasabra anochi 23 di mart, por gosa un konsierto spesial. Classical Music Board Bonaire a logra haña e konosido pianista, Ilja Huang, di Kòrsou konhuntamente ku dos violista profeshonal ekselente, Inge Laurijnssen i Annemarie Konijnenburg.

E konsierto ta tuma lugá pa mitar di ocho di anochi den Kapèl di Fundashon Mariadal na Kaya L.D. Gerharts.

E programa ta enserá obranan di Bach i Mozart, pero tambe di otro

kompositornan. Algun violista lokal tambe ta partisipá.

E konsierto lo deleitá bo oido i p'esei ke avisá pa kumpra karchi na tempu pa bo no keda sin haña karchi.

Classical Music Board Bonaire ta ekstendé un bon biní na bo i ta spera di mirá bo dia 23 di mart pa mitar di ocho di anochi na Kapèl di Fundashon Mariadal.

Ticketnan ta na benta na Delmar Bookstore, Kaya Sùr Bartola 13a, patras di hospital.

Skèn rápido ku enfoke riba sektor di konstrukshon

KRALENDIJK – ROA un skèn rápido ku CN a bishitá Haafkes enfoke riba e sektor di resientemente pa kondusí konstrukshon. Durante



Pa pasaheronan di Aruba i Boneiru

Avion di KLM defekto ku retraso di dos dia

KRALENDIJK / ORANJESTAD -- Un problema tékniko ku buelo 766 di KLM, a pone ku e pasaheronan a konosé un retraso di por lo ménos 48 ora.

E avion mester a sali djaluna atardi pa Hulanda, via Boneiru. Pero el a konfrontá problema tékniko. E avion mester a keda tera, ya ku mester

a trese un piesa di e avion riba un otro buelo di KLM djamars.

Esei tin konsekuensia ku e buelo por bai te por lo ménos djárason. Esaki ta nifiká ku e ta afektá tambe e pasaheronan ku mester a subi e avion na Boneiru. Tantu na Aruba komo Boneiru, e pasaheronan a keda den hotèl te ora ku e buelo sigui.

e bishitá akí, tabatin e oportunidat pa entrevistá Niels, un mènòr renombrá i mènèdjer dediká, kende a hunga un ròl importante den guia di studiante i trahadónan durante e programa di BBL.

E skèn rápido ta un informe kompakto, pero ekstenso ku tin komo meta pa identifká

nesesidat, desaroyo i estudionan relevante den e sektor di konstrukshon.

ROA CN ta dediká pa presentá e informashon akí di un manera kla i transparente, pa e opservashonnan hasí keda komuniká efektivamente.

Den kooperashon ku diferente partner den e sektor di konstrukshon, ROA CN ta enbolbí

aktivamente den diskushon i konsultanan pa komprende bon e dinámika di e industria.

E meta ta pa entregá un informe di e skèn rápido finalisá pa final di aprel. E rapòrt akí lo kontené informashon balioso i rekomendashonnan práktiko pa por stimulá avanse di e sektor di konstrukshon.

Resiklahe den óptima forma

Ántes tabata probechá di petrolio riba kosta

KRALENDIJK – Petrolio riba kosta i den bahianan di Boneiru no ta nada straño. Te asta tin indikashon ku e tabata mas ku loke a sosodé dos siman pasá, hinkando yen di instansia den pániko, kisas ku rason.

Petrolio ku subi kosta den pasado tabatin uso. Tabata usa esaki komo asina yamá breu pa diferente meta. Por ehèmpel pa sera burakunan riba dak di kas

pa evitá ku awa ta lèk paden durante yobida.

“No esei so”, un siudadano di edat a bisa BONERIANO. “Tabata usa breu pa sera buraku den barí, den drùm, pa warda awa. Tambe pa sera skrefnan na boto pa evitá awa di dreña. Asina tabatin mas bon uso pa breu.”

E siudadano a sigui splika: “Mi ta tende sabínan papia awendia tokante resiklahe, komo sifuera ta algu nobo. Ètòl nò. Nos

grandinan ta resiklá kaba. Por ehèmpel sakando breu for di riba kosta pa uso na nan kas.” Den pasado ‘kontaminashon’ di kostanan ku breu te asta tabata mas ku loke tabatin resien. No ta manera awor tin tantu regla riba tereno di medio ambiente. E siudadano: “Naturalmente kualké derame di petrolio ta fastioso. E no mester sosodé. Loke mi ke hasi aki ta solamente pa splika algu di pasado.”



èxtra
...number 1
DI NOS E TA

Ret nobo di tubu pa kontrolá awa bou di tera

KRALENDIJK – Dia 12 di mart tabatin un inisio spesial: diputado Cicilia i ministerio di Infrastruktura i Maneho di Awa huntuna a selebrá komienso di un proyekto importante. E proyekto akí ta bai tokante ponementu di tubu di peilu den tera, huntuna ku Rijkswaterstaat. Den luna di mart nos a kuminsá ku ponementu di e tubunan akí pa haña sa mas tokante awa bou di tera. Esaki ta bai dura mas òf ménos 3 luna i e ta importante pa komprendé mas mihó kon awa bou di tera na Boneiru

ta move.

Nos ta pone e tubunan akí, ku nos ta yama tubu pa peilu, no solamente na Playa pero na otro sitionan tambe. Pa medio di e tubunan pa peilu akí nos por mira kuantu awa tin bou di tera i si e awa akí ta limpi. Nos no ta kontrolá solamente e awa ku tin bou di tera, pero tambe awa di laman i kon awa di yobe ta kore bai. Nos ta bai investigá si tin supstansia malu den e awa bou di tera ku ta bai laman, i ku no ta bon pa nos koralnan bunita. Esaki ta importante pa sa, di manera

ku nos por kuida nos isla i e laman rònt di dje bon. Ta importante tambe pa wak bon kon awa di yobida ta kore bai. Esaki ta yuda nos pa kuida nos awa mas mihó i pa mehorá agrikultura. Nos ta ehekutá e proyekto akí den kolaborashon ku diferente organisashon i nos ta kuminsá na e parti sùit di nos isla. Ta bai dura mas òf ménos 3 luna pa pone tur e tubunan di peilu den tera. E tubunan di peilu akí ta keda algun aña den tera i kada aña nos ta bai kontrolá nan. Nos ta bai wak si tin supstansia malu

den awa bou di tera ku no ta bon pa koral i òf nos tera pa agrikultura. Diputado Cicilia a pone énfasis riba importansia di e proyekto akí: ‘Pa medio di pone e tubunan pa peilu akí, nos ta

haña informashon balioso tokante nos awa bou di tera. Esaki ta un paso importante pa protehá e bunita naturalesa di Boneiru i nos presioso awa i koral pa generashonnan di futuro.’



NO PREOKUPÁ

Skritura: Mateo 6:25-34

“Pa e motibu aki Mi ta bisa boso, no preokupá boso mes pa boso bida, kiko boso lo kome òf kiko boso lo bebe; tampoko pa boso kurpa, kiko boso lo bisti. Bida no ta mas ku kuminda, i kurpa mas ku paña di bisti?” Mateo 6:25(BS)

Na Boneiru por mira i apresia kon mata di kibrahacha ta flora despues di yobida. For di leu por mira e bunita flornan hel dekorando e palu. Kada aña di nobo nos ta para i apresia esakinan. Nunka bo a para ketu i pensa, Ken ta kuida di e palunan di kibrahacha den mondi? Awel laga mi bisa bo ku nan Kreador ta kuida di nan. Den e Skritura ariba e ta bisa kon lelinan di sabana ta krese, nan no ta traha mata kurpa. Dios nan Kreador mes ta kuida pa nan.

Abo i ami ta preokupá kiko nos ta bisti, kiko nos ta kome, unda nos ta drumi, etc. E ta normal pa komo hende nos preokupá. Ma laga e preokupashon akí ta pa nos kòrda i realisá ku nos mes no tin kontrol di tur kos, ma nos Kreador si tin tur kos bou di kontrol. Meskos ku E ta kuida pa e matanan di sabana; bo no ta pensa i kere ku E ta i lo kuida pa hende ku El a krea den Su mes imágen tambe? Den e 10 versikulonan ariba, 3 biaha E ta ripití pa: no preokupá (25, 31 i 34). Bo no ta pensa ku esaki ta importante i ta p’esei E ta ripití 3 biaha?

E biaha akí ora nos preokupá riba e dia di mañan, laga e dia di mañan mes pèrkurá pa su mes.

Buska promé e reino di Dios i no preokupá!

Gilda Beukenboom-Sintjago
Produksion PGM

Programanan di Bonaire.tv

TELBO kanal 70
Flamingo TV kanal 23

Djaweps 14 Mart 2024

12.00 Aktualidat:	Adrie van de Ven
13.00 Aki Statia:	Mini pastor na Statia
14.00 Herensia:	Catharina Domacasse
15.00 BAPA:	Ernst Wesselius - Paul Pilgrom - Anselmo Ortensia
16.00 Herensia Aruba:	Marcolina Sonya Martis Lemminga
17.00 Aki Aruba:	Raymundo Dijkhof
18.00 Herensia:	Martinus Cecilia
19.00 BAPA:	Magasina Di Rei - Arte Boneriano
20.00 Herensia:	Johanes Trinidad
21.00 Aki Statia:	Misa katoliko
22.00 Herensia Korsou:	Servania (Pana) Hart
23.00 BAPA: Filomeno	(Rolly) Sint Jago

Z-Air a risibí su avion nobo

KRALENDIJK -- Djamars e kompania di aviashon Z-Air, a risibí su último adishon na su fleta di avion. Ta trata di otro Saab 340B+ di kual e kompania ya tin vários den su servisio.

Direktor di Z-Air, René Winkel, a mustra anteriormente ku e

kompania ta hopi kontentu ku prestashonnan di e Saab ku kua ta bulando pa vários destinashon. E avionnan aki tin 34 stul na bordo i ta basta espasioso. E avion djamars a bula e último pida di Miami pa Kòrsou, na unda a yama e avion i su pilotonan bon biní pa

koleganan di e kompania di aviashon. Bonaire.nu ta komprondé ku banda di e avion Saab, tin mas avion ku ta bin reinforzá Z-Air den un futuro no muchu leu, pero di esaki e kompania no ke divulgá muchu informashon ainda.

(Fuente: Bonaire.nu)



Loke sindikalismo a bin ta atvertí p'e, trahadónan den e sektor di vigilansia, pero tambe den sektor di horeca ta bibando e bèrdad amargo. I esaki pa un solo rason, esta e echo ku trahadónan no ke realisá ku den un sindikato nan ta muchu mas mihó protehá. Ainda nan no kier realisá ku sindikalismo ta nan abogado. Ainda nan ta tuma i pasa e abusonnan aki, pasobra nan no ke realisá ku sindikalismo ta igual ku un seguro ku nan ta sera pa asina protehá nan kontra abuso i eksplotashon di parti di dunadónan di trabou di mala fe.

No tin otro forma di kalifiká e tipo di dunadónan di trabou aki. Nan no ta respetá nos leinan, nan no ta respetá nos institutonan di supervishon i mantenshon di nos leinan laboral, nan no ta respetá ni balorá e trahadó boneriano komo hende. Riba flur di trabou nan ta deksriminá, nan ta humiyá, nan ta pèst e trahadó i hasi su bida insoportabel, nan ta demonstrá un komportashon ku ta surpasá limite di desensia i étika i nan no ta tene kuenta ku e trahadó tambe tin derecho di ehersé su labor den un ambiente sigur pa su salú físiko i salú mental. Nan no

Nòchi Willem, consehero di Union Sindikal Boneriano, USIBO

Sindikalismo na Boneiru(10)



kier realisá ku ta ku hende nan ta anda. Kisas skuchando i lesando e komunikado aki, lo tin hopi hende no por kere ku e kosnan aki ta tuma lugá na aña 2024 na Boneiru. Un Boneiru ku ta formando parti integral di Ulanda desde 10-10-10. Un Boneiru ku a krea fasilidatnan fiskal i otro insentivonan atraktivo pa invershonistanan bin establese aki i gana plaka. I en bes di ta gradisido i yuda traha na un komunidad ku un kalidat di bida desente, nan ta praktikanto loke semper sindikalismo a yama kapitalismo salvahe.

Nan ta dispuesto di pasa riba kadaver di nan mama mes, kon tal ku nan gana plaka, kon tal ku nan biba bon.

Kikonan tin kunen ku sobrá. I ora sindikalismo ta papia nos no ta papia a base di emoshon, sino a base di testimonio bibu di e propio trahadónan i tambe a base di pruebanan por eskrito ku nos ta mira i analisá pa ku kontraktan inhumano ku ta obligá trahadó firma. Djies pasobra nan sa ku e trahadó ta buska su pan di kada dia pa kria su mes i su famia.

A bira tempu pa den un forma serio den

Diálogo Sentral, nos atendé ku e abusonnan aki i bin ku reglanan pa para abuso i maluso di kontraktan di trabou temporal, pero mas bien e abuso i maluso di e asina yamá "nul-uren contract" of "afroepcontract" òf "oproepcontract". E esensia di e tipo di kontraktan aki ta pa krea e posibilidat ku ora tin momentonan ku trabou ta kue den un empresa, e dunadó di trabou por buska trahadó riba e base aki sin tin ku tuma un trahadó asina den servisio permanente. Puese por die forma aki manehá i kontrolá su gastunan di personal. Na e banda di e trahadó esaki ta hasi posibel pa e trahadó por traha oranan mas fleksibel, teniendo kuenta ku su sirkumstansianan personal.

Pero kiko nos ta mira den práktika. Ta laga e trahadó firma e tipo di kontrakt aki i ta pone e trahadó traha 165 òf hasta 195 ora pa luna pa lunanan largu. Nos tin kaso di trahadó ku for di 12 di dèzèmber 2022 ta trahando te ku awe riba e "nuluren-contract" antó ku kondishonnan ku na nos pareser tabata solamente posibel promé ku 1 di yüli

1863, tempu ku tabata eksistí e fenómeno di sklabilitut i ku e trahadó no tabatin ningun derecho. Otro kasonan ku sindikalismo ta hañando su mes konfrontá kuné den e sektor aki, esta di vigilansha, ta ku e trahadó ta traha 260 ora i su pago ta solamente e sueldo pa ora i no ta pag'é overtaim.

Tin kaso ku ta yama e e trahadó pa bin traha, pero si pa un òf otro motibu ela bira malu, e no ta bin na remarke pa risibí e pago e dia ei. I asina ei tin un kantidat mas di kondishonnan den e kontrakto nan ei ku ta solamente den desventaha di e trahadó. I definitivamente mester bin un paro den esaki. I e paro i e solushon primeramente ta den man di e trahadónan den e sektor ei mes. Nan mester kuminsá bula e sombra di miedu, nan mester kuminsá di tin mas outoestima, mas outorèspèt, kere den nan mes, kere den nan balor komo hende i komo trahadó. Nan mester bira mas solidario ku otro na boka di trabou i no kere ku ora bo kima bo kolega serka e shèf ku e shèf ei lo dunabo mas balor, al kontrali e ta mirabo komo un hende

ku no por konfia.

Sindikato AFBW a hasi un yamada riba tur, pero tur trahadó ku ta traha na tur e kompanianan di vigilansha aki na Boneiru pa nan bin inskribi nan mes komo miembro.

Na momento ku esaki sosodé abo komo persona, abo komo individual no mester defendé bo derechonan dilanti bo dunadó di trabou mas.

Na e momento ei bo sindikato a bira bo seguro, bo sindikato a bira bo abogado i e ta sali pabo.

I si sindikalismo logra mayoria di e trahadónan e forsa ta bira aun mas grandi, pasobra e ora ei ta e sindikato ta na mesa ku e dunadó di trabou, representando tur pero tur e trahadónan. E ora ei ta pone rèspèt. Tur e kompanianan kaminda tin sindikato komo representante di e trahadónan ta rèspèt tin, ta rèspèt ta pone i ta e garantia ku ta stòp ku tur abuso i eksplotashon di e trahadó. Desishon ta na trahadónan den e sektor di vigilansha. Sea boso ta liberá boso awor for di e kadena di abuso i opreshon òf keda sufri.

Den bida kada hòmber i kada muhé trahadó mester hasi su eskoho i den e kaso aki e eskoho ta liberashon òf kontrinuá bou di opreshon.

Anochi informativo konmemorashon di sklabitut

KRALENDIJK -- sklabitut i esaki ta laga Dieskuater persona a espasio pa mas hende ku koperá pa e anochi di ta interesá pa hasi uzo di informashon tokante oportunitat. A invitá un i konmemorashon di tur pa e anochi pa informá

kon por yega petishon pa e kompensashon. E ta un komienso i apesar ku e tempu ta kòrtiku, mester traha rápido riba e proyekto. E hende por haña informashon pa hasi nan petishon serka Marlies Vels, e persona kende a duna informashon e anochi. Por yam'é tambe

na 701-3310 pa mas informashon, òf un sita. E efektonan ta pa alkansá gruponan di enfoke nobo, konstrukshon di konekshonnan duradero, òf netwerk di komunidad, partisipantenan ta desaroyá múltiple perspektivanan riba historia di sklabitut,

partisipantenan usa konosementu tokante sklabitut komo material di base pa eksperensia kultura, komunidadnan oumentá nan independensia i stimulashon di proseso di sanashon di partisipantenan di komunidadnan relevante.



BONERIANO
 EDITOR: Bonaire Communication Services N.V. | Djaweps 11 mei 2023 | Preis: \$1.25

AMTENAR NO TIN RESTRIKSHON PA MANIFESTA

Pa aviso i komunikado den Extra/BONERIANO
 Redakshon:
extrabon@gmail.com
 Aviso:
avisobon@gmail.com

Pa mas informashon por yama nos libramente na 717-8482

BONERIANO e korant mas lesá aki na Boneiru!

OPTENIBEL NA

Kuranderia popular

Ofisina di FuHiKuBo

Ofisina di Extra Del Mar BV

\$17,50

Natural i spiritual

Un proyekto di Unesco i FuHiKuBo

Edilse Goeloe tokante su tres añanan komo direktor di FKPD

Di reto pa kresementu

KRALENDIJK --

Den kòmbersashon ku Bonaire.nu, Edilse Goeloe, ta konta tokante su biahe komo direktor di Fundashon Kuido pa Personanan Desabilitá (FKPD). El a guia e fundashon dor di un transformashon remarkabel. E aña aki FKPD, e úniko fundashon riba islanan BES ku ta komprometé su mes pa hendenan ku un limitashon físiko òf mental, ta selebrá su 45 aña. Un logro ku no ta marka solamente un historia largu, pero tambe un era nobo di kresementu i perfekshonamentu bou di guia di Edilse.

“Na FKPD tur kos ta drei rònt di kuido di nos klientenan,” Edilse ta kuminsá. E ta deskribí kon e fundashon a ankra den e sosiedat, lantá pa mayornan den Rincon 45 aña pasá, ku e meta pa ofresé un lugá sigur i aktividatnan durante dia na muchanan ku limitashon. E kompromiso fuerte ku e sosiedat ta keda e núcleo di e mishon di FKPD.



Bou di guia di Edilse, FKPD a hasi un kresementu impreshonante. “Mi no mag bisa, podisé komo direktor, pero e kresementu berdadero a kuminsá apénas tres aña pasá, ku énfasis riba kalidat di bida, kuido i e ambiente di biba i traha di nos guiadónan,” e ta divulgá. E enfoke tabata riba mehorá kalidat di bida di e klientenan, kalidat di kuido i e kondishonnan di trabou pa e guiadónan i tambe riba implementashon di infrastrukturna nobo di ICT.

Inklushon

Un di Edilse su metanan mas importante, ta pa promové inklushon.

“E momento ku nos a bai un wega di futbòl ku nos klientenan i nos a mira e reakshon di e públiko, mi a realisá ku tabatin un kaminda largu pa bai ainda pa loko ta trata inklushon di nos klientenan den komunidad. E mester ta otro,” e ta enfatisá. Inklushon den e komunidad, den nos kultura, ta esensial. Nos no mester tin bèrgwensa di nos klientenan. Nan tin e mesun derechonan ku tur hende.

Edilse ta papia abiertamente di e desafionan ku el a topa ora el a asumí su funshon, manera profeshonalisá kuido i maneho di personal. Hopi guiadó no tabatin diploma i FKPD tabata enfrentá

defisiensianan finansiero i operashonal. Apesar di e opstákulonnan akí, e formashon den kuido i duna guia di Edilse, a yuda ku FKPD a progresá konsiderablemente.

Futuro

Mirando futuro, Edilse ta kompartí su plannan ambisioso pa FKPD, manera lantamentu di un sentro di konosementu limitashon intelektual leve na Boneiru i amplia asistensia ambulante pa Saba i St. Eustatius. E koperashon ku otro institutonan di kuido i e enfoque riba inklushon i aktividatnan eksterno, ta aspektonan klave di su vishon.

Reflekshonando riba su hubileo di tres aña komo direktor, Edilse ta papia ku pashon di su amor pa e klientenan i su dedikashon pa nan bienestar.


“Tabata añanan difísil, pero ora mi mira kon kontentu nos klientenan ta, kon satisfecho e empleadonan ta ku nan kondishonnan di trabou

ku a drecha, mi sa ku tabata bale la pena. E amor i vulnerabilidad di nos klientenan a siñá mi hopi. Ta mi mishon pa profeshonalisá FKPD, pa nos klientenan i nos tim.”

Edilse ta finalisá ku un mensahe fuerte na komunidad: “Inklushon ta esensial. Nos no mester tin miedu di nos klientenan, òf tin bèrgwensa di nan. Nan meresé nos amor, respèt i akseptashon total.” E ta enfatisá ku FKPD ta para pa kalidat i ku e ta ansioso pa kompartí nan éksito i kontribushonnan na komunidad.

Miéntas FKPD su di 45 aña ta aserkando, ta evidente ku e fundashon no solamente a floresé bou di guia di Edilse, pero ku a habri un kapítulo nobo di speransa i inklushon pa su klientenan. “Nos klientenan tin mes tantu derecho riba un bida completo manera kualke hende. A bira tempu pa nos kibra e tabú i risibí tur hende ku brasanan habrí.”

(Fuente: Bonaire.nu)



Plataforma Parke Marino

KRALENDIJK -- ofresé un espasio pa esnan pensamentu. Parke Marino Siman pasá STINAPA interesá keda aktualisá ku Nashonal di Boneiru ta tabatin e di kuater edishon di STINAPA su proyektonan dependé di nos tur i nos meta Plataforma Parke Marino. aktual, metanan i retonan. ta pa hasi kolaborashon E enkuentronan akí ta Pero tambe pa kompartí mas fuerte ku esaki.



Ministerie van Binnenlandse Zaken en Koninkrijksrelaties

Programa di trainee di Reino na Relashon di Reino pa inisiadó ku afinidat fuerte pa e parti Karibense di Reino

Lugá di trabou: Den Haag

Bo tin amor pa Reino i bo konosé Aruba, Kòrsou, Sint Maarten, Boneiru, Sint Eustatius òf Saba bon? E perspektiva pa amplia bo konosementu, eksperensia i retnan di kontakto komo un profesional den Gobièrnu Sentral próksimo dos aña? I bo tin un preparashon di WO-Master kompletá? E ora ei e Programa di trainee di Reino ta algu pa bo!

For di 22 di mart te ku 5 di aprel bo tin e oportunidat pa apliká pa un lugá den e Programa di trainee di Reino ku lo kuminsá 1 di sèptèmber 2024.

Kiko bo por spera?

- Durante seis luna na un departamentu den e Direktorado-General di Relashonnan di Reino di e Ministerio di Asuntunan Interno i Relashonnan di Reino na Den Haag;
- Durante seis luna na un organisashon gubernamental riba un di e islanan na Hulanda Karibense (Rijksdienst Caribisch Nederland òf Entidat Públiko Boneiru, Sint Eustatius òf Saba);
- Arobe na Den Haag den un departamentu di profeshon, direktorado di maneho, organisashon di ehokushon òf otro ministerio ku ta enfoká riba tópikonan den e parti Karibense di Reino;
- I finalmente, mei aña na Aruba, Kòrsou òf Sint Maarten na un organisashon gubernamental Hulandes;
- Durante e programa di trainee bo ta partisipá na aktividatnan di e Programa di Trainee di Reino, kaminda entre otro ta ofresé formashon, kursonan i eventonan;
- Bo ta kuminsá ku un salario di mas òf ménos 3000 euro bruto pa luna (skala 10.0).

I...

Despues di kompletá e programa di trainee ku éksito, lo bo bira un empleado na e Direktorado General di Relashonnan di Reino.

Solisitá

- Bo mester krea un fail den nos plataforma online kaminda bo ta indiká bo edukashon i eksperensianan laboral, hasi un scan di kalidat di reino i partisipá na un evaluashon basá riba un wega;
- Bo mester manda bo aplikashon entre 22 di mart 14:00 or i 5 di aprel 06:00 or (ora lokal).

Prosedura di selekshon

- Na inisio di e programa di trainee riba 1 di sèptèmber 2024, bo mester a gradua maksimal 2 aña promé ku un preparashon Master WO. E área di estudio no ta importá.
- Bo no tin otro obligashonnan i ta disponibel 32 ora pa siman
- Bo tin nashonalidat hulandes òf un pèrmit di trabou pa por traha na Hulanda.

Selektá pa e programa di 'trainee', pero bo ta biba den e parti Karibense di Reino?

E lugá di e programa di 'trainee' ta na Den Haag. Pa e partinan di e programa na Hulanda Karibense i na Aruba, Kòrsou òf Sint Maarten, tin un kompensashon pa mudansa i un yudansa pa gastunan di biahe disponibel.

E ta atraé bo? Bishitá

www.werkenvoornederland.nl/starters/traineeships pa informashon amplio tokante e Programa di trainee di Reino i kon pa apliká.

Tene nos playanan limpi



èxtra
...number 1

www.extraboneiru.com

Josefine Trinidad 12 aña i mei di servisio

KRALENDIJK – Josefine Trinidad-Piar por mira tras despues di a sali i drenta bèk, laborando na Fundashon Mariadal, a akumulá 12 aña i mei trahando.

Trinidad ta sumamente agradesido na Señor pa e bendishon tan grandi akí ku durante e temporada e tabata privilegiá di tin un trabou pa pan riba mesa.

“Durante di e periodo di 12 aña i mei, mi a siña konosé hopi di mi grandinan. Mi a laborá 5 aña na Fundashon Cocari Rincon, 4 aña na Pasadia Villa Antonia,

den prinsipio tempu ku Villa Antonia tabata habri 3 biá pa siman, kombiná ku Ka’i Mimina, pa kompletá mi siman. Despues full siman na Villa Antonia, pa despues regresá bèk mi kuna ku ta Kas di Kuido, te ku awor.”

“Mi por bisa ku mi tin plaser den mi trabou.

I semper mi lo keda rekordá ku mi a yega di bisa ku nunca mi no ke hasi trabou di hotèl i Kas di Sosiegu. Esei ta ami ta bisa.

Pero Dios a bisa otro, e tabata ke pa mi ta ei,

meimei di grandinan. I ta Dios sa e motibu ku asina a sosodé. I hamas mi a hiba kere ku mi tabata disponé e abilidad di por a traha ku grandinan.

E kos akí, e trabou akí, ta simplemente un trabou di amor. Nada otro. Mi ta gradesido pa tur e konfiansa ku mi tabatin ku mi doño di trabou a konfiá mi kuné. Un kos mi por bisa ku tur dia di nobo mi por drumi trankil, pasobra mi a hasi lo máksimo di mi parti. Mi grandinan ta na mi kurason i mi tin plaser den mi trabou.”

WeConnect a bishitá SGB

KRALENDIJK -- Den dianan tras di lomba, Fundashon WeConnect a bishitá vários sekshon di Komunitat di Skol Boneriano, SGB.

E fundashon a haña e petishon pa kuminsá ku dunamentu di informashon tokante posibel profeshon for di e di tres aña eskolar na Liseo Boneriano.

Kuminsando for di di tres klas, studiantenan di e forma akí lo haña un mihó bista di kiko e diferente profeshon ta enserá, ki estudio ta nesario pa

esei i ki oportunidatnan di trabou tin despues di kaba un estudio.

Esaki ta prepará e studiantenan pa tuma desishonnan bon informá tokante nan pakete di materia ku nan tin mester pa sigui un estudio partikular.

We Connect tambe a hasi un bishita na MBO, pa duna informashon práktiko. Hopi estudiante di MBO ta keda na e isla pa sigui nan estudio i WeConnect ta bisa di ta kontentu di por yuda nan komprondé kiko e merkado laboral lokal tin

mester.

Banda di esei, huntu ku Judith Brekelmans, WeConnect a bishitá vários dunadó di trabou. Hopi dunadó di trabou ta buskando empleado di e isla mes, ku a sigui nan estudio na Hulanda. E demanda pa esaki ta grandi i diverso.

“Dor di nos partisipashon na feria di empleo nashonal dianan 22 i 23 di mart na Amsterdam, nos ta sirbi komo un brùg balioso entre estudiante i posibel dunadónan di trabou,” WeConnect a bisa.



BON PA BO SA

Kiko ta sosodé durante yu di turtuga ta bai laman

****Una bes un turtuga muhé traha neishi i pone webu, e yunan lo keda inkubá pa mas o ménos 60 dia. Durante e inkubashon akí, e temperatura di e webu ta determiná e proporshon machu o muhé.**

Mas kayente e webu ta, mas turtuga muhé ta sali, mas friu e webu ta, mas turtuga machu ta sali.

E yunan ta sali anochi momentu ku e temperatura ta mas friu i ta mas fásil pa haña e kaminda pa laman. E yunan ta usa e refleho di luna riba superfisie di laman pa haña nan kaminda pa awa fásilmente.

Ora nan yega awa, nan ta programá pa landa te na e laman habrí, unda nan ta kome i krese te ora nan ta grandi suficiente pa bolbe na un ref poko profundo.

The hatching of a nest

Hatchlings use the reflection of the moon on the ocean surface to find their way to the water. →

The incubation time is about 60 days

Hot chicks, cool dudes!

The temperature of the nest during incubation determines the male-female ratio.

The warmer the nest, the more females will hatch.

The cooler the nest, the more male turtles will hatch.

The nest often hatches at night: cooler temperatures, less threads and easier to find the ocean!

SABIDURIA DEN NOS ALEGRIA

Skirbí pa: Ruthy "Lady Ruth" Vrieswijk-Bergen



Diabierna dia 8 di Maart 2024 nos a lanta mainta tempran. Por bisa hunto cu e salida di solo. Pa Lady Ruth no ta algo comun, pasobra, normalmente ta lanta hopi mas laat. Nos ta gusta wak e serie di "Blue bloods" cu ta caba 1 or di marduga, kemen, drumi laat lanta laat. Pero nos a lanta tempran pa nos tawata cla pa bay e conferencia di Hende Muhe 8.00 am na Renaissance Conference Center.

Bayendo den banyo, e cantica di Los Angeles Negros a cuminsa toca den su curason "Manyana me ire" sin comprende pakico e cantica ey, pasobra, normalmente ta lanta cu otro canticanan hopi biaha gospel na curason. Despues di tawata cla bisti, a wak nos mes den spiel, mi a comprende pakico e cantica ey. Nos niun sa di e dia di manyan. Nos a traha

un kopie koffie cappuccino y pone dos mandarin den nos tas blauw grandi y a pidi mi casa Johan hibami na e conference center, pasobra nos sa cu lo tin mas auto cu normal, e parking lot lo ta catan catan.

Nan ta spera algo mas di 750 persona, mayoria hende muhe di tur raza, religion y cultura, di hoben te grandi di edad, pasobra esaki tawata habri pa tur muhe cu inscribi na tempo. Awor, 1 or di marduga, lagami comparti un chispa asina, awor cu e ta na mi curason. Tawata un conferencia di kita sombre, cu charlanan inspira y impactante. Lady Ruth a goza e charla di Ministro di Cultura Xiomara Maduro, e "motivational speaker" sra. Croes y esun di Prome Ministro Evelyn Wever-Croes. Oh ki bunita Rachel Kraaijvanger a canta e



cantica gospel "Give thanks" acompaña pa un guitarista na cuminsamento. E publico gigantesco a goza un mundo tambe di e fantastico presentacion di Jeon cu su cantica Miss Dior.

Lady Ruth a ricibi algun bon comentario pa cu su poema prosa cu a sali publica den Diario encuanto Inclusion Inspira. Berdad tin inclusion, pero ainda falta. Palabranan cu a resalta y impacta na e conferencia ta: "Mi ta nabega" y "Na mesa". Ach, mi no por ta "precies", pasobra mi a regala un amiga di mi e tas cu nan a parti como regalo, y eyden tin e foldersnan cu e info y algo di lipstick y wimpers falso ofzo cu nos no ta gusta ni usa. Un bunita gesto di nan parti, pero, nos tin nos mesun smak, y nos no ta gusta nada artificial pa pone na wowo.

Anochi Lady Ruth a celebra cu hendenan muhe bunita "paden y pafor", (beauty inside out) e.o. Maria Andrade y Bea Croes Quilotte na Centro di Bario Playa Pabao na un manera hopi alegre, e capitulo 2 di Sra. Hilde Rodriguez Taekema, notario, cu a duna hopi informacion clave y contesta hopi pregunta.

Lady Ari a recita poemanan cu a causa furor den su entrevista na radio mainta y a regala como premionan pa rifa entre e muhenan presente dos dozijn di su bunita "Mug" di Poet Author Artist Lady Ari dorna e.o. cu e pen di pluma. E reina den musica Mariachi "Sol" Soledad Rijna, Oslin Trimon y Quincy Hasham a percura pa un excelente dushi ambiente cu nan tremendo bos, e.o. Volver y e hymno "Muhe" cu publico participando den canto. E Poeta Omaira Britten a conta un storia di un muhe inteligente y un cu tawata kier solamente placa placa cu a toca e curasonnan. Lady Ruth a recita un poema di Philomena Wong (dfm), (e muhe balente

inspira cu a skirbi e poema encuanto placa placa placa). Sra. Fransia a hanja un reconocimiento bunita pa su hopi anjanan di bon trabao na CBPP, ora cu Lady Ari a recita otro bunita poema dedica specialmente na sra. Fransia y na tur presente, un publico grandi dorna cu algun vip hende homber guapo, nechi, entre nan Ronald Antersijn y Michael Koolman, e guapo esposo di Lady Ari. Lady Ruth a regala Fransia un t shirt cu su haiku ariba dje cu ta bisa: "E hende muhe, Amor ta brota di dje, Ta pesey cuide".

E prome 50 damanan a ricibi e tegel cu palabranan di inspiracion di Lady Ari y e dushi publico presente, (sala sold out atrobe), por a disfruta di un dushi snack box y refresco despues den cura pafor, pasobra paden tawata yena di hende.

Pabien na e grupo talentoso di bayle di CBPP cu nan bunita presentacion. Danki na e dinamico presidente di CBPP Dennis Burke y e comishon cu a organisa e bunita anochi aki. Y danki na e bunita juffrouwnan cu a yuda parti e "raffle tickets" y e snackboxnan, awa y refresco. Danki di curason na VNO pa a hasi e evento aki posibel y danki na tur e comerciantenan cu a regala

bunita premionan cu a wordo rifa. Danki na tur cu a bin atende y participa na e bunita anochi aki.

Despues di a wak "Blue bloods" na canal 8 USA, mas laat anochi Diabierna 8 di Maart, crenchi cansa di a atende e dos actividadnan ey, Lady Ruth a traha y bebe su mug di ginger thee, scuchando su "Alexa" cu musica dushi manera "Stand by your man" di Tammy Wynette y "You're still the one, relaha e mente pa bay drumi. Bendiciona cu e tin e cabayero Johan como su esposo cu ta malcrie y sali disfruta di bida cu ami, su Lady Ruth, su reina muhe!

Concorda shonnan, no huzga e hende muhe, ni e hende homber pa su manera di bisti. E tambe tin un alma y curason. E tambe por tin un of mas talento of un of mas don cu ta pone su luz tambe briya. Boso por ta bon studia y diploma cu titulonnan grandi, pero ta bo comportacion, trato y respet pa bo mes y pa otro ta laga sa ki clase hende bo ta. Danki pa lesa nos relato. Pasa un dushi dia yen di sabiduria den nos alegria !! P.S. Nos ta hende muhe inspira tur dia !!!! Y danki Dios, cu mas y mas toch nos ta wordo inclui den cosnan nechi den bida riba hopi tereno. Un bearhug !



BIDA SALÚ

Aseguradonan ta hasi masha poko pa garantisá bon kuido

KRALENDIJK/HULANDA -- Kuater kompania di seguro di salú grandi na Hulanda ta hasi masha poko pa nan klientenan risibí bon atenshon. Esaki ta loke e outoridat di salú Hulandes, NZA, ta informá despues di un enkuesta di e proveedornan di kuido

médiko mas grandi den kuater region di Hulanda. Ta trata di Zilveren Kruis, CZ, VGZ i Menzis, De Volkskrant ta informá. E aseguradonan akí no ta kumpli kompletamente ku e standardnan di deber di diligensia, NZA ta konkluí despues di un estudio di un año den e kuater regionnan ku e

listanan di espera mas largu, Drenthe, Midden-Holland, West Brabant i Twente.

Ta e promé biá ku e regulador ta bisa ku e aseguradonan di salú no ta kumpliendo ku nan obligashon mas importante, segun e korant.

Den kaso di dos

kompania di seguro di salú, NZA ta mira tal defisiensianan ku nan a risibí un desishon. Menzis i CZ ta konfirmá na Volkskrant ku nan a risibí seis luna pa mehora. Si nada kambia, NZA por revelá loke tabata den e instrukshonnan.

Pa e kuater aseguradonan di salú, nan mester mehora interpretashon di nan deber di kuido. Por ehèmpel, nan mester hasi afspraken ku e dunadónan di kuido médiko den e regionnan akí tokante kon nan por redusí e lista di espera pa hende por risibí e kuido ku nan mester.

Tambe mester monitòr sí esaki ta hiba na e resultado deseá i ahusté sí ta nesario.

Proaktivo

Mirando e punta problemátiko por ta difísil pa e aseguradonan, Karina Raaijmakers, direktor di supervishon di NZA, a bisa den notisia di NOS Radio 1. E aseguradonan di salú no sa i no por sa, ken di nan aseguradonan ta riba lista di espera. E ora ei di un banda nan mester ta disponibel i aksesibel pa personanan sigurá ku ta komuniká ku e aseguradó

ku e pregunta sí nan por risibí atenshon mas lihé na un otro lugá.

Ademas, nan mester envolví nan mes na un manera hopi proaktivo ku e proveedornan di kuido médiko pa haña sa unda e problemanan ta mas grandi pa nan aseguradonan i asina tuma medida pa hasi esaki.

Paso grandi nesario

Segun Raaijmakers, e echo ku dos asegurado a risibí un aviso di NZA, ta nifiká ku e situashon akí ta ainda pió ku otro aseguradonan di salú. “Nos a balansá tur e puntonan di atenshon ku a surgi for di e estudio i a konkluí ku dos asegurado di salú ainda mester tuma un paso mas grandi. P'esei nos a imponé e instrukshonnan akí.”



E designashon ta deskribié spesífikamente ki mehorashon ta spera di e aseguradonan di salú i den ki periodo mester logra. “Nos ta pidi nan pa tuma seis luna pa implementá algun mehorashon i informá nos mes di nan. Despues di e periodo akí, nos ta evaluá sí e mehorashonnan akí tabata sufisiente,” Raaijmakers di e outoridat di salú, a bisa.



MONCHI & TONCHI

E dianan aki ta Ramadan serka nos rumannan islamita....

Awèl sí. Ta p'esei mi ta tende un gruñamentu asina. Ta nan barika.



KOLOFÓN

Editor: Bonaire Communication Services N.V.
Kaya Irlanda 12,
Tel. 717-8482

Redakshon: extrabon@gmail.com
avisobon@gmail.com
Wèpsait: www.extraboneiru.com
Facebook: Extra Boneiru

Direktor
Shirley Martis
785-3824
796-3824

Hefe di redakshon
Nathaly
Evertsz-Ipcendencia

Redakshon
Papi Antoin
Edson Pietersz
Ibi Piar (deporte)

Partner na Aruba
Awe Mainta
Partner na Kòrsou
Extra
Partner na Boneiru
Live99

Layout
Maya Beaumont

Konsehero:
Bòl Antoin
786-6818

Aviso
avisobon@gmail.com

Matrimonio: kiko hasi den tempunan di krisis

Krisisan situashonnan natural ku ta presentá denter di e siklonan di e relashonnan interpersonal. Den matrimonio tin situashonnan ku por i mester superá su mes ku bon boluntat i sierto dósil di inteligensia emosional. Pero si pa algun rason e krisis ta yega, Kiko mester hasi? Kon konfront' é? Kon super' é?

Promé ku un krisis ta manifestá ta surgi señalnan ku algu ta kana malu den un relashon, poniendo esnan impliká den alerta. Sin embargo, no tur persona ta logra identifiká e señalnan — òf aunke ta identifiká, ta pa nan difikultá aseptá ku ta eksistí-, loke finalmente ta sòru pa un berdadero krisis.

No opstante, un krisis matrimonial no tin dikun nifiká fin di tur kos. Lo mester hopi pa hasi promé di “tira e sèrbètè”. Lo ta nesario disponé di tur medionan posibel i e pleno disposishon pa superá e difikultatnan, ku si ta ser manehá di manera adekuá, lo fortalese e relashon, lo hasi e mas madurá i lo sirbi di siñansa pa konfrontá e retonan futuro.

E puntonan deskribí a kontinuas, ta korespondé na sinku premisas ku mester tene kuenta den tempunan di krisis matrimonial ku si ta sigui ku atenshon, lo yuda nan na un términ felis.

Promé, aseptá ku tin krisis. Pa por konfrontá e situashonnan, promé ta hasié nan konsiente i aseptá ku ta sosodiendo. Ta frekvente haña ku paretanan ta preferá hasi di e idea di

ku “aki no ta pasa nada...” òf insinuá ku e otro ta esun ku ta “formando un tormenta den un glas ku awa”; bon tin miedu pa aseptá e realidat, òf pasobra no ke sali di nan confort i ta pensa ku kosnan lo mehorá ku tempu. Aseptá ku matrimonio ta pasando dor un krisis, no ta nifiká ku e ta derá.

Di dos, no empeorá e kosnan. Ora tin un krisis di pareha, e ambiente ku ta rondoná nan ta pisá, negativo i tin sierto pre disposishon na konfliktonan, ta pesei, ku mester ku e situashon ta drai mas grave di loke e tin, en otro palabranan: no tin den gasolin den kandela.

Si realmente tin berdadero intenshon pa rekuperá e armonia matrimonial i Sali di e panorama pantanosu akí, lo promé ku e mester di hasi di presentá un aktitut positivo. Pa kosnan ta kambia pa kuminsá na ku mesun mes, asina e pareha no ta mostra hasta e momento ningun intenshon di kambio. Esaki por resultá difísil pues ya tin pa medio un demotivashon pa lucha pa e matrimonio, pero mester sali di e konvencimentu ku amor ta un desishon i tur ta posibel si e ta proponé. No por lubidá pa logra eksistí den matrimonio no ta trata di ‘haña un bon persona’, sino ‘ser un bon persona’.

Por yuda e echo di rekordá momentonan felis ku nan

a pasa huntu: e promé añanan di matrimonio, freimentu, nasementu di yunan, atkisishon di un bien, algun fakansi... en fin, tantu momentonan ku nan a kompartí den pareha i ku ser fuentenan di tranquilidad den momentonan tormentoso.

Di tres, no sera pa dialogo. Krisis ta perhudiká e komunikashon entre esposonan, loke inevitablemente indispone e asunto. Ora komunikashon ta faya, tur kos ta faya. Mester ta kuminsá pa dialogá ku e pareha riba e difikultat ku ta sosodiendo entre e dos buska salida pa e problema.


Di kuater, semper tin algu pa hasi. Dikon e promé palabra ku ta surgi ora ta drenta den krisis ta “separashon”? Klaramente pasobra nos ta rondoná dia un ambiente fasilista ku nos anulá e posibilidat di lucha.

No por duna komo pèrdida e bataya ora ni sikiera a lucha pa gan' é. Mester ta ser optimista i pensa ku solo ta un momento di difikultat ku por solushoná. Henter bida ta rekerí esfuerso i dedikashon, i difikultatnan matrimonial no ta eksepsion. For ku ta eksistí e deseo pa mehorá kosnan, semper lo tin algu pa hasi. Den e kasonan aki, ansha no ta e mihó opshon; mester di tempu, entrega, boluntat i gana.

Di sinku, buska yudansa. Den algun kaso no ta basta ku e bon intenshonnan, ni intentonan pa rekobrá e komunikashon. Orientashon di un persona eksperto den e tema, un persona straño na e asunto ku ta den e punto medio, sin parsialismo, lo yuda na mira e problema ku mas ophetividat, desarmá dudanan kreá ku na final no tin rason di ser.

Di mesun manera, ta natural ku kada pareha ta duna un enfoke diferente na e problema, generalmente kulpando e otro. Sin embargo, unabes ku bo akudí na e orientashon profeshonal, e krisis ta kanalisá bou di un mesun punto di bista, logrando e ora ei un solushon rápido i asertá.

Tur krisis ta generá un kambio, un impakto ku mester ser positivo ku den último ta afirmá e relashon. Krisis no



ta sinónimo di antipatia, lo importante ta pa super' é saka benefisio di un situashon ku por ser negativo pero ku ta

kambia su kanal grasia na e kompromiso di “ke, ke”: ehersisio di e boluntat propio di e amor matrimonial.

E tas di kuaresma

1.- E bòter di ayuno. Saboriá den e kuarenta dianan aki ousteridat un poko mas la. E lo laga bo komprende no únika- mente solidaridat sino, ademas, tambe karidat.

Ofresé fruta di loke bo ta evitá na kome, na esnan den mas nesidat.

2.- E buki di Evangelio. Perkurá ei kaminda bo ta bai (den bus, konvoi o den avion, den kaya o den bo kas, den iglesia o den bo momento di deskanso) pa lesa e Palabra di Dios.

Lo bo sinti, leu di ta bo so, ku E ta kompañá bo.

3.- E kadena di orashon. Distraí i preokupá pa mil situashonnan nos ta lubidá frekuentemente pa konfia nos akshonnan, proyekto e ilushonnan na Señor. Kuantu tempu a pasa ku bo no a papia kuné bo so? Kuaresma ta un oportunidat pa rekuperá e kadena di plegaria, e hilu konduktor di nos relashon personal ku Dios.

4.- Un man di tera. Pa no lubidá ku nos ta lodo i ku únika- mente Dios, ta Dios. Shinishi den kuaresma ta invitá nos na inkliná na baha for di e pedestal di nos orguyo i pa laga Dios reina ku tur e konsekuensianan den nos bida.

5.- Una sinta métriko. Kustumbrá pa midi tur kos, kuaresma ta duna nos un oportunidat pa transitá un kaminda: e kaminda te na Pasku. Kuantu meter bo ta dispuesto na rekoré?

Únikamente meternan di doló? Únikamente meternan di komodidat? Únikamente meternan di egoismo? E sinta métriko di kuaresma ta ofresé nos otro midí: e Evangelio.

6.- Un glas bashí. Pa yen' é ku Awa Bibu ku ta Hesus.

Laga nos duna kuné den e gestonan chikí di bondat o di diálogo, di testimonio o di bèrdat, di akohida i di pordon ku nos por regalá na hopi hende ku ta rondó di nos. Un bon obra ta kosta poko (tin bia si) pero e ta provoká hopi satisfakshonnan interno positivo.

7.- Alimentonan impresindibel. Pasobra, den Pasku, nos ta spera Eukaristia. E pan ku ta parti i, despues di ser bendishoná, ta kambia den e Kurpa di Kristu mes. E biña ku, tras pasá dor di e mirada di Señor, ta kambia den su mes sanger.

Laga nos kita e tas di nos dieta sierto kaprichonan fastioso i, na su lugá, nos ta kambia nan pa otro plasernan divino.

8.- Dos pida palu. Pa diseñá i pensa nos propio krus.

Pa purba kompletá, manera San Pablo ta bisa, loke falta na pashon di Kristu. Avansando den kuaresma nos lo duna kuenta ku Kristu lo por a salba nos sin doló, sin krus, sin sanger...pero ku, riba krus, a duna nos e muestra di mas grandi di su amor.

9.- Un spòns. Kombibensia, e krisis ekonómiko ku nos ta sufriendo, e poder pa poder, e tin di tin...ta hasi nos indiferente i ta shusha nos almanan, ta mancha nos deseonan di eternidat. E spòns di kuaresma lo yuda nos pa nos kita di loke ta opstakulisá e paso di e grasia di Dios.

E lo habri e poronan di nos kueru p'asina ku, Spiritu Santu, ta elevá nos mas na shelu.

10.- Sandalianan di penitensia. Nos no por yega Pasku satisfecho ni fortifiká riba kamindanan skohé o a la carta.

E sandalianan di kuaresma leu di hiba nos dor di kamindanan kòrtiku ta kondusí nos pa e kamindanan berdadero: sinseridat, kombershon, humildat i skuchamentu di e Palabra.

Pader Javier Leoz

Bo tabata sa ku baha di peso ta fasil?

Baha di Peso

11 pa 16 mart 2024

Aselerá

KURSO BAHAS ASELERÁ TA UN PLAN DI 5 DIA KONSEKUTIVO DI 2 ORA KU TA INKLUI GUIA, BUKI DI MENÚ I SU BUKI DI RESETA, FITNESS KU PERSONAL TRAINER I SAUNA.

Orario mainta 7:30 pa 9:30 di atardi 9:30 pa 7:30.

E plan ta di djaluna pa djabèrnè ku final dijasabra mainta 8:00

Preis ta 95,00 ku guia gratis pa celebrá 30 aña di Melly Bergland komo trainer. Ku kada pago bo tin derecho riba un karchi di deskuento ku un bator di 25,00

Inskribi mesora pa garantisá bo partisipashon na Pyramid Top Wellness Center; Menegrandeweg 2, huki Rio Canarioweg, Tel. 869-7733 of app. 520-8544

ARUBA

En conexion cu celebracion di Himno y Bandera

Minister Maduro a bishita scol basico Xander Bogaerts i Sint Micheal

ORANJESTAD -- pa asina duna inicio na Minister Xiomara Maduro su bishitanan escolar en a habri siman den distrito a habri siman den distrito di San Nicolas y Brasil



Cuerpo Policial di Aruba a ricibi nan vehiculo nobo

ORANJESTAD -- Diamars merdia, conhuntamente cu Cuerpo Policial di Aruba, Minister di Husticia y Asuntonan Social sr. Rocco Tjon a haci entrega di e vehiculonan nobo pa Cuerpo Policial. Un pabien na henter e ekipo di Cuerpo Policial, Yrausquin & Sons y Ministerio di Husticia y Asuntonan Social cu a lidera e proyecto aki. Cuerpo Policial t'ey pa garantiza seguridad.

tin un reorganizacion andando. Na di dos lugarta crea condicionnan di trabou adecuado, p'esey diferente reno bacion a tuma lugay edificionan nobo a wordo adkiri pa Cuerpo Policial. Por ultimo, e di tres pilar cu ta inverti den dje ta percura pa cumpra materialnan pa e Agentenan Policial por eherce nan trabou.

Asina a inverti den proyecto di camara, radar, portofoons, ICT, bulletproofvests y computers. Awe nan ta haya nan fleta nobo pa por brinda un bon servicio na nos comunidad pero na mes momento garantiza nan propio seguridad mucho mas miho.

Recien ainda, un investigacion a muestra con criminalidad a baha y cu Aruba ta e pais mas 'safe' den nos region. Pa logra esaki Ministerio di Husticia y Asuntonan Social ta inverti den tres pilar.

Danki na tur e Agentenan cu a participa den e rondanan di consulta, danki pa boso aporte y feedback pa cu e escogencia di e vehiculonan aki.

Na prome lugarta percura pa e organisacion ta uno dinamico pa por combati criminalidad, p'esey



nos Himno y Bandera.

Durante e bishita na Scol Basico Xander Bogaerts, Minister Maduro a wordo yama bonbini door di henter e scol. Aki e muchanan a haya e oportunidad pa saluda e mandatario y comparti unrato cune. Despues di esaki, e mandatario a bishita klas 5 unda cu ela duna un charla riba e celebracion di nos Himno y Bandera.

Durante e charla aki, Minister Maduro a pone enfasis riba tur local ta haci nos orguyoso di ta biba na Aruba, e importancia di celebra nos Himno y Bandera y con nos por sigui biba nos

cultura participando na e diferente actividadnan cu lo bay tin riba e dia aki.

Na Sint Michaël School, Minister Maduro a compania e muchanan den cura di scol, un custumber di e muchanan pa habri siman hunto caminda nan ta canta, combersa y prepara pa e siman nobo nan dilanti. Aki, Minister Maduro a tuma un rato pa combersa cu nan riba locual nan ta aprecia di nos isla y kico ta hacinan orguyoso di nos Pais.

Finalmente, despues di esaki e mandatario a sigui pa presencia con e muchanan di klas 4, 5 y 6 ta prepara pa nan

presentacion tocante e industrianan di Aruba.

Minister Maduro ta gradici cabesante, docentenan y tur alumno na ambos scol, Scol Basico Xander Bogaerts y Sint Michaël School, pa e bunita recepcion y ta deseanan di antemano un feliz dia di nos Himno y Bandera.



KÒRSOU

Homenahe di Mac Alberto komo artista Kurasoleño

WILLEMSTAD -- remarkabel, kuminsando ku For di añanan 8,0 Mac Alberto a krea eskulturanan su promé opheto grabá den tronkon di un palu dilanti



Palasio di Gobernador na 1981. El a hasi uso di un pida glas di un bòter di serbes pa kèrf e obra akí. Te dia di awe, por admirá su kreashonnan komo arte públiko den Punda.

Lamentablemente dos di e palunan ku eskultura situá banda di Palasio di Gobernador, ya pa basta tempu a muri. Ribainisiativa di Gabinete di Gobernador di Kòrsou, pronto ta remplasá e palunan akí. Ta pèrkurá kuidadosamente pa konservá e obranan di arte.

Den estrecho kolaborashon ku Museo di Kòrsou, ta bai konservá e dos tronkonnan morto ku eskultura aden. Despues nan ta haña un hogar nobo den e kurá di eskultura botánico di Museo, kaminda ta ekshibí nan pa

públiko.

Ta añaadí tambe un kolekshon di potrèt di otro obranan di arte di Mac, kompañá pa splikashon dje obranan i ku informashon di fondo di e artista mes.

Ku esaki ta rekonosé Mac Alberto komo un artista outodidakto di Kòrsou, di ken su trabou tin un impakto duradero den espasio públiko. E seremonia privá di inougurashon di e eksposishon ta planiá provishonalmente pa mei.

Gobernador di Kòrsou, miembronan di famia di e artista i otro invitadonan, lo asistí na e seremonia akí.

E artista Mac Interer Alberto, mihó konosí komo Mac, òf Soft Melody, a nase dia 16 di ougùstùs 1932. Su biografia, publiká pa Drs. Lionel Janga na 2021, ta

deskribí no solamente su eskulturanan, sino tambe su eksperensianan laboral anterior, manera su tempu komo trahadó riba barku, marineru, su trabou na Shell, e tempu ei ainda CPIM i despues na Water en Electriciteitsbedrijf (WEB).

Na 1969 Mac a lanta e sindikato Bònt di Trahadornan di Gobièrnu (BTG), di kual e tabata e promé presidente. Despues di un estadia na Hulanda di 1979 te 1981, na su regreso el a kuminsá traha eskultura den tronkon di palu den Punda. El a kontinuá su arte di kòrta palu for di su studio na kas na Ansinghstraat, te fin di 2010.

Mac Alberto a fayesé dia 21 di ougùstùs 2020 na edat di 88 aña.

Kontròlnan di tráfiko aéreo ta papia tokante siguridat sibernétiko

WILLEMSTAD -- Den lus di e omento di menasa di atake sibernétiko, e proveedor Hulandes di Dutch Caribbean Air Navigation Service Provider (DC-ANSP), djaluna a organisá un seminario riba siguridat sibernétiko den e sektor di aviashon.

E evento a tuma lugá na Renaissance Wind Creek Resort i a tuma lugá atrobe pa promé biá den tres aña. Segun e organisadónan, e seminario a atraé atenshon pa motibu di e importansia crítico di seguridat digital pa e kontròl di tráfiko aéreo i e industria di aviashon en general.

E direktor general di DC-ANSP, Micilia Albertus-Verboom, a

enfatisá riba gravedat di e riesgonan ku ta representá siguridat sibernétiko pa e sektor ya vulnerabel di aviashon, ku e implikashon ta bai mas leu ku e daño finansiero. Ta trata di siguridat di bida humano.

Gobièrnu ta bisa ku ta desaroyando un strategia pa arma Kòrsou mihó kontra tal atake, inkluyendo formashon di un legislashon sólido.


E orador prinsipal, John Sileo, a kompartí su eksperensianan personal ku e robo di data i a enfatisá e importansia di e konsiensia di siguridat sibernétiko na nivel individual den e organisashonnan. E konferensianan ku a sigui, inkluyendo esnan di ekspertonan di Fox-IT,

IATA i FAA di Merka, a komplementá e yamada di Sileo dor di enfatisá kon krusial detekshon rápido i e reashon riba atakanan sibernétiko pa seguridat di aviashon ta.

E oradornan tabata unánime den nan mensahe ku siguridat total kontra atakanan

sibernétiko ta un ilushon i ku un akтитut proaktivo i un maneho sólido di e krísisnan ta esensial. Na final a ofresé mas idea i ehèmpel konkreto ku ta enfatisá e urgensia i kompleksidat di siguridat sibernétiko den aviashon. E seminario, ku a konta ku presensia di mas o

ménos 100 partisipante di Kòrsou, Aruba, Boneiru Sint Maarten i Hulanda i oradornan for di Canada, Hulanda i Merka, tabata segun e organisadónan, un enkuentro eksitoso ku a konfirmá e nesidat di atenshon kontínuo na siguridat sibernétiko den e industria di aviashon.



STATIA/SABA/ST. MAARTEN

Den evento di Dia di Hende Muhé di Penha

Influensia muhé lokal ta inspirá

COLE BAY -- Dia 8 di mart, Penha St. Maarten a selebrá Dia Internashonal di Hende Muhé ku estilo na su tienda na Cole Bay, presentando dos muhé influente na St. Maarten, e konsultor di marka, Kenty Lichtenberg i miembro di Parlamento, Sjamira Roseburg.

E evento tabata tin komo meta pa destaká e muhénan lokal den e komunidad ku ta hasiendo kambionan

positivo i inspirá otro rònt di nan. Lichtenburg a habri e evento kaminda el a animá muhénan pa brasa nan singularidat i konfiansa den nan mes, kompartí nan propio biahe di deskubrimentu i éksito.

El a enfatisá e importansia di krea espasio i rabia den bo ser outéntiko. Influensia pa su mama su enkurashamentu, e ta sigui inspirá otro hende pa ta muhénan fenomenal.

Lichtenburg a kompartí ku via su plataforma, el a haña éksito profeshonal i a habri porta pa innumerabel oportunitat.

Despues di e diskurso di Lichtenburg, Parlamentario Roseburg a enfatisá e importansia di empoderá e personanan den e komunidad.

El a enfatisá riba e nesidat di edukashon i empoderamentu, na kua el a kontribuí personalmente dor di ofresé konseho legal grátis durante añanan na hopi hende riba medianan sosial. E tabata kere ku dunando informashon básiko na e miembronan di e komunidad, tabata un forma pa empoderá nan.

Roseburg a urgi e oudiensi pa partisipá tambe den empoderamento di otro den nan propio komunidad. E dos oradornan a envolví nan oudiensi eksitosamente durante e evento.

E anochi tabata un éksito,

ku asistensia di mayoria di e muhénan ku a disfrutá di konviviensia, kompra i refresco. E asistentenan tabatin e oportunitat pa gana un masashi di lus na Indulgencea Day Spa i un makutu di regalo durante e evento.

Ademas, e invitadonan tabatin e oportunitat pa risibí un konsulta grátis

tokante kuido di kurpa Dd Clarins i a disfrutá di un ambiente vibrante kreá pa DJ Lil'R.

Miembronan leal di Penha tambe a risibí privilegio spesial durante henter dia, inkluyendo dòbel punto di lealtat ku kada kumpra na tur lokalidat, ekskluyendo e tienda di aeropuerto.




Mishon pa salba ref di koral

ORANJESTAD (EUX) -- E kobertura di koral di Sint Eustatius a baha significativamente for di 25 porshento na 1999 pa ménos di 2.5 porshento na 2021. E bahada akí ta atribuí na morto di koral, ku ta kondusí na un efekto dominó ku ta menasa henter e ekosistema.

E proyekto di restourashon, den liña ku e plan di pólisa di naturalesa i medio ambiente, PNM 2020-2030, ta enfoká riba restourashon di e poblashon di koral. E ta impliká un

plan di shete aña pa kolektá, kultivo i reintrodusí koral hóben, segun e boletin ekonómiko Dutch Caribbean.Biodiversity

Dirigí pa e fundashon di Parke Nashonal di Sint Eustatius, den kolaborashon ku Universidat si Siensia Apliká, Van Hall Larenstein i Fundashon pa Konservashon Saba, e proyekto tin komo meta no solamente pa restorá e koral, sino tambe pa preservá biodiversidat i protehá e sektornan turístiko i piskeria lokal.



Green Fresh Aquaponics ta yuda pa konstruí sistema di kuminda resiliente

THE BOTTOM -- Entidat Públiko Saba a establese un programa pa atendé ku e skarsedat di kuminda riba e isla. Esaki ta loke boletin ekonómiko Karibe Hulandes, ta informá.

Aña pasá, Denis Banuoku di Green Fresh Aquaponics, a kuminsá kordiná e programa i konstruí e green house. Ku un kombinashon di hidroponiz, aquaponic, kama apsorvente i

entrenamentu, e green house ta duna su promé fruta awor. E organisashon ta orguyoso di e simia plantá i ta spera di yuda mas komunidad konstruí sistema di kuminda resiliente den futuro.



DEPORTE

Yamada pa bin apoyá atletanan na e weganan interinsular

KRALENDIJK – INDEBON ta hasi un yamada riba pueblo pa bin apoyá nos atletanan boneriano hóben masalmente e siman akí na e weganan interinsular. E weganan ta tuma lugá for di 14 te 17 di mart 2024 na Boneiru. Durante e siman akí nos atletanan lokal ta kompetí den futbòl, basketbòl i aquathlon kontra deportistanan hòben di skol básiko i enseñansa avansá di Aruba i Kòrsou. Riba página di Facebook di INDEBON tin tur informashon tokante e kompetensianan.

E promé kompetensianan di e weganan interinsular a tuma lugá na Aruba den e periodo di 29 di febrüari te 3 di mart. Timnan for di Aruba, Boneiru i Kòrsou a partisipá na kompetensia di dam, ahedres i trèfbal. Terrence de Jongh, hefe

di INDEBON ta wak bèk ku satisfakshon riba partisipashon i prestashon di e atletanan boneriano hóben na Aruba. ‘Nan a duna tur loke nan tabata por, nan a gosa i nan a siña masha hopi mes. Mi ta anhelá e kompetensianan di e siman akí i mi ta spera ku hopi hende ta bin apoyá nos talentonan’, segun de Jongh.

Na Aruba Minelly Wu tabata ganadó den ahedres den kategoria di mucha muhé 2013/2014. Amaris Djojopawiro a finalisá na di tres lugá den kategoria di 2011/2012. Serka e mucha hòmbernan Daniel Fernandez Ojeda a finalisá na di tres lugá den kategoria di 2013/2014. Boneiru a finalisá na di tres luga den ahedres.

Den e deporte di dam Boneiru tabata bon

representá den kategoria di mucha muhé 2011/2012. Camila Gonzalez a finalisá na di dos lugá i Joemi Herrera Delgado na di tres lugá den e kategoria akí.

E mucha hòmbernan a sa di posishoná nan mes bon den kategoria di 2011/2012. E di dos lugá

den e kategoria akí a bai pa Xi-Qion Frans, miéntras Xinglong Feng a finalisá na di tres lugá.

Boneiru a terminá na di dos lugá.

Den e deporte di trèfbal Kolegio Kristu Bon Wardador a konkistá e título di tim mas discipliná.

Ku un energia i disiplina nunca bisto e atletanan di Kolegio Kristu Bon Wardador a partisipá na e kompetensianan.

Den final pa di tres òf di kuater lugá, Boneiru a finalisá na di kuater lugá.



Pa landamentu di kuater dia

Ranomi Kromowidjojo ta bini Boneiru

KRALENDIJK – Aquatics Federation Bonaire a logra pa Ranomi Kromowidjojo i Arno Havenga, èks entrenadó di ekipo internashonal di waterpolo bini Boneiru pa landamentu di kuater dia.

Di 25 te ku 29 di mart e èks kampion olímpiko ta bai duna klínika i e lo ta presente durante e evento.

Meskos ku aña pasá, e partisipantenan ta landa un distansia ku nan ta skohe. Por skohe pa un distansia di 500 òf 1000 meter, pa dia. Partisipashon ta grátis i ta pa grandi i chikí.

Aquatics Federation Bonaire a invitá pa e okashon akí Ranomi Kromowidjojo, kende ta tripel kampion olímpiko Europeo, múltiple kampion Europeo i múltiple kampion mundial.

Djaluna e ta duna e señal di start i djabièrnè e ta entregá e medayanan ofisial na e partisipantenan.

Djárason e ta duna klínikanan di landamentu spesial pa e partisipantenan na e landamentu di kuater dia.

Di 28 te ku 31 di mart ta tumando lugá tambe e di 6 torneo internashonal di waterpolo na e pisina flotante. Arno Havenga, anterior entrenadó di ekipo internashonal i entrenadó di dama oranje, ta duna e klínikanan di waterpolo.

E landamentu di kuater dia ta tuma lugá den quadro di siman di deporte di Boneiru 2024, un inisiativa di INDEBON.

(Fuente: Bonaire.nu)



Kampionato futbòl 50+ ta kontinuá fin di siman

KRALENDIJK -- Komishon Futbòl Boneriano 50+ ke a partida ku e segundo rònt di e kampionato 50+ a sigui djasabra 9 di mart na vèlt di ATC.

Komishon Futbòl Boneriano 50+ ke a gradisí e organisashon, ekiponan Tera Blanku i Deportivo, ku a sòru pa bar i kushina pa promé, segundo i terser fecha di kampionato.

Tremendo trabou di nan parti. E komishon ta sigui konta riba e bon trabou di kada ekipo i organisashon ku tin bar i kushina durante e kampionato.

Komishon Futbòl Boneriano 50+ ke a pidi koperashon di kada ekipo pa por fabor keda pasa riba nan lista di hungadó, nòmber i fam mester ta manera sédula i riba e reglanan pa ku e kampionato kaminda

tur miembro di ekipo mester ta na altura di e reglanan.

Djasabra awor, 16 di mart, futbòl 50+ ta sigui den Stadion Antonio Trenidad na Rincon. Komishon Futbòl Boneriano 50+ ta pidi pa tur ekipo ta na ora pa nan partido i ta warda e bon amantenan di futbòl tambe pa bin apoyá i disfrutá di kada partido.

TABLA DI POSISHON									
EKIPO	WH	WG	WP	WE	GF	GK	GS	PT	
CHAMPS	3	3	0	0	11	4	7	9	
RINCONVETS	3	2	0	1	6	1	5	7	
DEPORTIVO	3	2	1	0	8	3	5	6	
TERA BLANCU	3	1	0	2	5	2	3	5	
HOBON	3	1	1	1	5	4	1	4	
LAFAMA	3	1	2	0	5	5	0	3	
VETS UNITED	3	0	3	0	1	11	-10	0	
ARIBA PERU	3	0	3	0	2	13	-11	0	

WH= WEGA HUNGA, WEGA GANA, WEGA PERDI, WEGA EMPATA, GOL FAVOR, GOL KONTRA, GOL SALDO Y PUNTO

Rond nr.3			
9 Maart 2024.	sitio: ATC.	SKOR	Golnan anota pa
5:00 p.m. SV Deportivo	V/S Vets United	5-1	4x elton Augusta 1x Carlos Zuniga y pa VU Bonne Zijlstra
6:15 p.m. Ariba Peru	V/S SV Rincon Vets	0-3	James Sintjago, Steven Mercera y Carlos Pourier
7:30 p.m. Tera Blancu	V/S SV Hobon	1-1	Pa Hobon Rustel Sintjago, TB Dionisio Raphaela
8:45 p.m. SV La Fama	V/S FC Champs	2-3	Toontje Frans y Adel Beaumont y pa Champs Poppo Pourier 2x, y autogol Perea Moreno

Gregorio Faustino Reyna di TB tin 1 wega di straf, debi ku la hanja direct karchi kora.

Sigiente weganan lo bay ta na Stadion Di Rincon.			
Rond nr. 4	16 Maart 2024.	sitio: Stadion Rincon.	skor
5:00 p.m.	FC Champs	V/S Tera Blancu	
6:15 p.m.	SV Hobon	V/S SV La Fama	
7:30 p.m.	SV Rincon Vets	V/S SV Deportivo	
8:45 p.m.	Vets United	V/S Ariba Peru	

No solamente su flornan ta bunita

Por kome tuturutu tambe

KRALENDIJK – No sa presis orígen di e mata konosí komo tuturutu. Por topa ku e mata aki den diferente kurá di kas

na Boneiru. Su flornan ta bunita, pero hopi hende no sa ku por kome e bonchinan tambe ku ta sali den un baliña na e mata

di tuturutu. Na hulandes e mata aki ta konosí komo ‘pauwenbloem’. Blenchi, barbulèt, abeha i otro gusta frekuentá e mata pa chupa

su flornan. Tuturutu su nòmber científiko ta *Caesalpina pulcherrima*. Henter aña e ta saka flor, loke ta un gustu pa bista.

Tin mas ku un tipo dje mata aki. Banda di esun kòrá ku hel, tin tambe un variante koló hel. Por kome e bonchi den baliña di tuturutu.



Bookcase

\$109

Also available in

Full-length Floor Mirror

\$325



Wooden Cabinet

\$269



CityShop

Smart shopping ▶ Better living

We'll assemble your article and bring it to your home.



Natural Cane Queen Bed

\$829



Sliding Door Wardrobe w/ Mirror

\$375

TV Rack

\$225

